

Риёзус солиҳийн шарҳи / Риёзус солиҳийн шарҳи / 187-ҳадис

187 - وَعَنْ أَبِي مُوسَى الْأَشْعَرِيِّ رَضِيَ اللَّهُ عَنْهُ، عَنِ النَّبِيِّ صَلَّى اللَّهُ عَلَيْهِ وَسَلَّمَ أَنَّهُ قَالَ: «الْحَازِنُ الْمُسْلِمُ الْأَمِينُ: الَّذِي يُنْفِذُ مَا أُمِرَ بِهِ، فَيُعْطِيهِ كَامِلًا مُؤَفَّرًا طَيِّبَةً بِهِ نَفْسُهُ فَيَدْفَعُهُ إِلَى الَّذِي أَمَرَ لَهُ بِهِ أَحَدُ الْمُتَصَدِّقِينَ». مُتَّفَقٌ عَلَيْهِ. [خ 1438، م 1023].

وَفِي رِوَايَةٍ: «الَّذِي يُعْطِي مَا أُمِرَ بِهِ» [خ 1438، م 1023].

وَضَبَطُوا «الْمُتَصَدِّقِينَ» بِفَتْحِ الْقَافِ مَعَ كَسْرِ التَّوْنِ عَلَى التَّثْنِيَةِ، وَعَكْسِهِ عَلَى الْجَمْعِ، وَكِلَاهُمَا صَحِيحٌ.

187. Абу Мусо ал-Ашъарий розияллоху анхудан ривоят қилинади:

Набий соллаллоху алайҳи васаллам шундай дедилар:

«Ўзига буюрилган нарсани чин кўнгилдан, комил, тўлиқ адо этадиган, уни буюрилган кишига топширадиган, омонатдор, мусулмон хазиначи икки садақа берувчининг биридир».

Муттафақун алайҳ.

Бошқа ривоятда: **«Уни буюрилган кишига топширадиган...»** бўлиб келган.

Шарҳ: Бировга хазиначи бўлиб ишга кирган одам ҳам ижарага ишлаётган

бўлади. Яъни, ўз иши эвазига ажр-ҳақ олаётган бўлади. Уни ишга олган одам ишидан манфаат олади, у эса иши эвазига олган ҳақдан манфаатланади.

Демак, бир ерга ишга кириб ҳақ оладиган одам, агар ўша ишини чин кўнгилдан, сидқидилдан, яхшилаб бажарса, савоб ҳам олар экан. Иши учун иш эгасидан ҳақ олса, сидқидиллиги учун Аллоҳдан савоб олар экан.

Шунинг учун, ҳар бир ишни сидқидил билан, яхшилаб адо этишга уриниш керак.

Манба: hadis.islom.uz



HADIS.ISLOM.UZ
NUBUVVAT MARVARIDLARI